

**Mbete kí dɔsɔy kí
Jɔ
ndàngí
Ta-je kí dɔ mbete-ti kí dɔsɔy
kí Jɔ ndàngí**

Njèkɔwkułə Jɔ ndàngí mbete kin kɔ ra-né kì njèkadmeɛ-je meɛ kuwə-ti kí d'uwə-nɔ lubi-lubi kì Lubə rəm, d'uwə-nɔ lubi-lubi kì ngankɔ-dé-je, kì kɔnan-dé-je meɛ kadmeɛ-ti rəm. Mbete kinlé, kúji ndàngí-é tò gay kì ndəgi mbete-je, ngà ta kí njèndàngí-é panè: «Səi» kin rəm, ta kí ɛ panè: «Ngan-m-je kí ndɛ» kinlé toji kí njèndàngí mbete kinlé ndàngí adi dow-je madi ya tagay. Mbete kinlé, ri njèndàngí-é goto meɛ-é-ti, ngà ɛ toji rɔ-é lo kɔr-é-ti kí 1:1 ki dow kí oo Jeju kaglo-ti kí Jeju isi-né dɔnangi-ti nè. Mbete kinlé kúji ndàngí-é rəm, mbete Poyta-je kí káre rəm, ya toji kí njèndàngí-é to Jɔ kí to kí káre dan njéndó né-je-ti lə Jeju kí dɔgi gidi-é joo kí njèndàngí mbete Poyta kí Maji kí ri Jɔ tò dɔ-ti. Dow-je kí Jɔ ndàngí mbete adi-dé bá ba-dé «ngan-je kí ndɛ» kinlé, to njèkadmeɛ-je kí ɛ ndigi-dé nɔ. Dɛ 'to njèkəwnɔ-je kí gay-gay kí d'isi kɔbe-ti lə dow-je kí Rəm, dɔnangi Aji-ti kí ngon-é kí bone bè 'ba-é Turki. Jɔ to njèkɔr nɔ-dé kaglo-ti kí nɔy nɔ al kadi oy-né. Jɔ panè: Lubə to londógi ('Ndó 1:5) rəm, to njèndigi dow-je rəm (4:8,16). Londógi toji ta kì togrɔ-ti. Meɛ kəy mbete-ti kí dɔsɔy kí Jɔ ndàngí

lé, ɛ ɔsi kagi dɔ maji-ti kí maji kadi dow gə ndógi lə ta kí tɔgrɔ-ti, ə kadi panjiyə-é ɔw nati siə kɔɔ kadi dowbé ɔ mɛɛ kuwə-n̄a lubi-lubi-ti k̄i Lubə rəm, k̄i njékadmɛɛ-je kí rangi rəm. Beba à ra kadi dɛ kí 'to njékadmɛɛ-je d'usi-né mɛɛ majal-ti kɔɔ néndó-je kí ngɔm lə njékosi ta Kristi kin al ('Ndó 2:18-23). Mɛɛ kəy mbete-ti kí njèkungi-ti joo kí J̄a ndàngi lé, ɛ ɔsi kagi dɔ ndigi dow-je-ti kí ɛ bá to gin kuwə-n̄a lubi-lubi kinlé.

Kulə gin ta
J̄a 1:1-14

¹ †Né kí tò lo kulə gin-é-ti ny, né kí j'oo ta-é k̄i mbi-ji, né kí j'oo k̄i kəm-ji, né kí j'tən joo maji-é bá j'ɔdi rɔ k̄i ji-ji rəm lé, to né kí sobi dɔ ta kí njèkadi dow-je d'isi kəm; ² †ə kiskəm lé, toji rɔ-é ndaa-ti rəsi adi j'oo k̄i kəm-ji, j'pa ta-é j'adi dow-je; kiskəm kí sartagangi kí isi nati k̄i Bɔbi-ji bá toji rɔ-é ndaa-ti rəsi ta kəm-ji-ti lé bá, j'ilə mbe-é j'adi-si. ³ Né kí j'oo ta-é k̄i mbi-ji ə kəm-ji oo rəm lé, bá j'ilə mbe-é j'adi-si, kɔɔ kadi sɔi kàrè adi j'uwəi-né-n̄a lubi-lubi tɔ. Ə kuwə-n̄a lubi-lubi lə-ji lé, to kuwə-n̄a lubi-lubi k̄i Bɔbi-ji rəm, bá to kuwə-n̄a lubi-lubi k̄i Ngon-é Jeju Kristi rəm tɔ. ⁴ Ta kinlé, j'ndangi j'adi-si kɔɔ kadi rɔnəl lə-ji ɔr-né njuti.

Njiyə lo kí ndógi-ti

⁵ Ta kí j'oo ta Jeju Kristi-ti bá j'ɔw k̄i kidə-si tin: Lubə to londógi, lo kí ndul goto rɔ-é-ti.

⁶ Kinə j'painè j'uwəi-nə lubi-lubi siə ya bá j'njiyəi lo kí ndul-ti bəy rəmə, j'ədi ta ki kədi bi j'rai né kí ɔw nati ki ta kí tɔgrɔ-ti al. ⁷ Ngà kinə j'njiyəi lo kí ndógi-ti titi kí Lubə ya kɪ dɔ-é isi-né lo kí ndógi-ti kin bè rəmə, j'toi dow-je kí j'uwəi-nə lubi-lubi rəm, bá məsi Ngon-é Jeju bɔr majal-je lə-ji kɔgi lay rəm tɔ.

⁸ Kinə j'painè j'rai majal al rəmə, jəi ya j'ədi rɔ-ji ə ta kí tɔgrɔ-ti goto ta-ji-ti. ⁹ Ə kinə j'ɔri man dɔ majal-je-ti lə-ji rəsi tɔ rəmə, ɛ to njékə dɔ ndi-é-ti rəm, njèra né kí njururu rəm, adi à kinə go majal-je lə-ji lé kɔgi rəm, bá né-je kí njururu al kí j'rai kàrè à bɔr kɔgi lay rəm tɔ. ¹⁰ Ngà kinə j'painè j'rai majal al rəmə, j'bai-é njèkəɔta rəm, bá ta liə kàrè goto mɛɛ-ji-ti rəm tɔ.

2

¹ Ngan-m-je, m'ndàngi ta kin m'adi-si kɔ kadi 'rai majal al. Ngà kinə dow madi ra majal rəmə, njèpata gangi-né dɔ-ji rɔ Bɔbi-ji-ti isi nɔɔ, to Jeju Kristi kí to dow kí njururu. ² Jeju Kristi lé, ɛ ya kɪ dɔ-é ilə rɔ-é kɔkare-ti oy kɔ majal-je lə-ji; ɛ oy kɔ majal-je lə-ji jəi ya par al, ngà kɔ majal-je lə dow-je lay kí dɔnangi-ti nè tɔ.

*Təl rɔ go ta-ti lə Lubə kɪ ndigna
Mat 7:21-23; Ja 13:34,35; 14:21-24*

³ Né kí j'gəi-né kí j'gəi Lubə lé, to təl kí j'təli rɔ-ji go ndukun-je-ti liə. ⁴ Dow kí panè n'gə-é ya bá təl rɔ-é go ndukun-je-ti liə al lé, to njèkəɔta ə ta kí tɔgrɔ-ti goto ta-é-ti. ⁵ Ngà dow kí təl rɔ-é go ta-ti lə Lubə lé, dowbé ndigi-é adi ɔr njuti. Né kí j'gəi-né kí j'toi dow-je kí j'nami kàdì-é-ti ɛn:

⁶ Dow kí pa rəsi panè n'nam kàdì-é-ti lé, dowbé à kadi panjiyè-é tanà kì panjiyè 'Babe ya bè to.

⁷ †Səi kí m'ində-si dan kəm-m-ti, to ndukun kí sigi bá m'ndàngi m'adi-si al, ngà to ndukun kí low kí ingəi lo kulə gin-é-ti* kin ya; ndukun kí low kinlé, to ta kí ooi kete kin ya. ⁸ Rəm bá to ndukun kí sigi kí m'ndàngi m'adi-si ya rəm; ta kinlé, to ta kí təgrə-ti, kdə təji rə-é rə Kristi-ti rəm, təji rə-é rə-si-ti rəm; kdətalə londul goto ə londógi kí təgrə-ti bá isi ndógi ngá.

⁹ Dow kí ɔsi ngonkɔ-é kì ta ya rəmə ba rə-é njəkisi lo kí ndógi-ti lé, to dow kí isi lo kí ndul-ti ya bəy. ¹⁰ Dow kí ndigi ngonkɔ-é lé, to dow kí isi lo kí ndógi-ti ə né kí à ra-é kadi usi ya goto.

¹¹ Ngà dow kí ɔsi ngonkɔ-é kì ta lé, to dow kí isi lo kí ndul-ti; dowbé njiyè lo kí ndul-ti ə gə lo kí isi ɔw-ti al, kdətalə londul kəm-é-ti ndi-ndi.

¹² M'ndàngi ta-je kin m'adi-si səi ngan-m-je, kdətalə majal-je lə-si toki kinə go-é kəgi kì takul Jeju Kristi.

¹³ M'ndàngi ta-je kin m'adi-si səi bəbi ngan-je, kdətalə njəkisi lo kulə gin-é-ti lé, səi 'gəi-é.

M'ndàngi ta-je kin m'adi-si səi ngan-je kí rə-si tò kəm,

kdətalə səi 'təti rə Njəmɛɛndul.

M'ndàngi ta-je kin m'adi-si səi ngan-je,

kdətalə səi 'gəi Bəbi-si.

¹⁴ M'ndàngi ta-je kin m'adi-si səi bəbi ngan-je, kdətalə səi 'gəi njəkisi lo kulə gin-é-ti nɔ.

† 2:7 2:7 Ja 13:34 * 2:7 2:7 Ta kinlé ɔbi də kulə gin kadmɛɛ lə-dé.

M'ndàngi ta-je kin m'adi-si sɛi ngan-je kí rɔ-si tò kəm,
 kdɔtalə sɛi lé tógi-si tò rəm, ta lə Lubə uwə lo
 kisi mɛɛ-si-ti rəm,
 bá sɛi 'təti rɔ Njèmɛɛndul rəm tɔ.

¹⁵ Adi bo duniɲa ra-si al rəm, bá adi bo né-je kí duniɲa-ti ra-si al rəm tɔ. Kinə bo ra duniɲa ra dow rəmə, dowbé ndigi Bɔbi-ji Lubə al. ¹⁶ Kdɔtalə né-je lay kí duniɲa-ti kí to, kəmnda né kí ra dow-je, kì né-je kí nəl kəm dow-je, kì kində kàdì kdɔ nékingə-je kinlé, to né-je kí ɿ rɔ Bɔbi-ji Lubə-ti al, ngà ɿ duniɲa-ti nè. ¹⁷ Ə duniɲa à goto rəm, bá kəmnda né-je kí titi kàrè à goto rəm tɔ; ngà dow kí njèra né kí mɛɛ Lubə ndigi lé isi kəm ya sartagangì.

Ta kí sɔbi dɔ njəkɔsi ta Kristi

Jà 16:13-15

¹⁸ Ngan-je, to kaglo kí dɔbɔy ndɔ-je-ti ngá; titi kí ooi-né 'panè njəkɔsi ta Kristi à ree lé, ooi, bone bè kin njəkɔsi ta Kristi 'nɲa ngá, ə gangi-é kin ya j'gəi-né kí to kaglo kí dɔbɔy ndɔ-ti lé ngá. ¹⁹ Njəkɔsi ta Kristi lé, 'tɛɛ dan-ji-ti nè ya d'ɔw, ngà to bá 'to 'lə-ji al; kdɔtalə kinə 'to 'lə-ji rəmə lé d'a kisi sə-ji; ngà kinə kí d'inɛ-ji d'ɔw kinlé ya tɔji ndaa-ti rəsi kí dow-je lay kin ya 'to 'lə-ji dɔrɔ al. ²⁰ Sɛi rəmə, njəkaa njay adi-si Ndil-é† adi sɛi lay ya 'gəi ta kí tɔgrɔ-ti. ²¹ Gə bá sɛi 'gəi ta kí tɔgrɔ-ti al bá m'ndangì-né ta-je kin m'adi-si kdɔ al; ngà m'ndàngi m'adi-si kdɔtalə sɛi 'gəi ta kí

† **2:20** 2:20 *Ubik*in tɔji Ndil kí aa njay kí Jeju adi dow-je kí d'adi-é mɛɛ-dé.

togro-ti rəm, bá 'gəi kí takədi káre ya kàrè à kí ro ta kí togro-ti-ti al rəm to.

²² Ná bá to njèkəɗta ta wa? Dow kí njənaji panè Jeju to Kristi‡ al lé, bá to njèkəɗta ya al wa? Dowbé kinlé to njèkəsi ta Kristi, kɗo ɛ naji panè n'gə Bəbi-ji al rəm, n'gə Ngon-é al rəm. ²³ Dow kí rá-rá kí naji panè n'gə Ngon lə Lubə al rəmə, dowbé gə Bəbi-é al ya to; dow kí pa ta rəsi panè: Jeju to Ngon lə Lubə rəmə, dowbé gə Bəbi-é to.

²⁴ Səi rəmə, ta kí ooi lo kulə gin-é-ti nɔ lé, adi ta-é ra be mɛɛ-si-ti. Kinə ta kí ooi lo kulə gin-é-ti nɔ§ kin ra be mɛɛ-si-ti rəmə, səi kàrè a nami kàdì Ngon lə Lubə-ti rəm, a nami kàdì Bəbi-é-ti rəm. ²⁵ Ə kunmindì kí Lubə un adi-ji lé, to kunmindì kí sɔbi ɗo kiskəm kí sartagangi.

²⁶ Ta lə dow-je kí 'ndigi kədi-si kur-si wale lé bá m'ndàngi m'adi-si tin. ²⁷ Səi rəmə, Ndil* Lubə kí Kristi adi-si lé, tò mɛɛ-si-ti adi ɔwi ndoo kadi dow ndó-si né al†; ngà titi kí Ndil kí ɛ adi-si ndó-si-né né-je lay, ə ɛ to njèta kí togro-ti bi to njèkəɗta al lé, ɔi mɛɛ ta-ti liə titi kí ɛ ndó-si-né‡.

Ta kí sɔbi ɗo ngan lə Lubə

Ròm 8:14-19

²⁸ Ngan-m-je kí ndɛ, beɓa, 'nami kàdì Kristi-ti kɗo kadi ndo kí à tɛɛ toji-né ro-é ndaa-ti rəsi lé,

‡ **2:22** 2:22 Kristi lé kər mɛɛ-é to dow kí Lubə mbəti-é. § **2:24** 2:24 Ta kinlé sɔbi ɗo kulə gin kadmɛɛ lə-dé. * **2:27** 2:27 Ndil kinlé, to ta kí káre-rè kà ta lə ubi kí ta-é tò lo ndó-é-ti kí mɛɛ 1Ja 2:20 † **2:27** 2:27 Ta kinlé to ta lə mbati néndó-je lay al, ngà to ta kí sɔbi ɗo njéndó dow-je né-je kí ngəm. ‡ **2:27** 2:27 Ja 16:13-15

m̄ē-j̄i nda k̄ay r̄əm, b̄á kadi ndo ree-é-ti k̄àrè r̄o-
 j̄i sol-j̄i tak̄əm-é-ti al r̄əm t̄o. ²⁹ Kin̄ə 'ḡəi k̄í Kristi
 to dow k̄í njururu r̄əm̄ə, kadi 'ḡəi k̄í dow k̄í rá-rá
 k̄í to nj̄era né k̄í njururu lé, to dow k̄í Kristi oji-é.

3

¹ †Ooi ndigi k̄í B̄obi-j̄i Lub̄ə ndigi-j̄i m̄bing ya
 adi 'ba-j̄i ngan l̄ə Lub̄ə kin! Ə j'toi ngan l̄ə Lub̄ə
 lé ya r̄əm t̄o. Dow-je k̄í d̄onangi-ti nè lé, 'ḡə-j̄i al,
 k̄do ḡə k̄í d̄ə 'ḡə Lub̄ə al t̄o.

² S̄əi k̄í m'ind̄ə-si dan k̄əm-m-ti, bone bè kinlé
 j'toi ngan l̄ə Lub̄ə ə né k̄í j'a toi lé, toji r̄o-é ndaa-
 ti r̄əsi tak̄əm dow-je-ti al b̄əy; nḡà j'ḡəi k̄í ndo-é
 k̄í Kristi à toji r̄o-é ndaa-ti r̄əsi tak̄əm dow-je-ti
 lé, j'a titi-n̄ə sīə bè, k̄do j'a kooi daji r̄o-é k̄i k̄əm-
 ji. ³ Dow k̄í rá-rá k̄í ow k̄i nékind̄ə m̄ē d̄o-ti k̄í
 bè kin r̄əm̄ə, dowb̄é adi panjiȳə-é aa njay titi k̄í
 'Babe aa-né njay kin bè t̄o.

⁴ Dow k̄í rá-rá k̄í ra majal lé, al d̄o ndukun t̄o;
 k̄d̄otal̄ə majal k̄í ra lé to kal d̄o ndukun. ⁵ †S̄əi
 'ḡəi k̄í 'Babe ree k̄do b̄or majal-je l̄ə dow-je k̄oḡi
 ə ɛ ra majal n̄ja k̄áre al. ⁶ Dow k̄í rá-rá k̄í nam
 k̄àd̄i-é-ti lé, à kisi k̄á ra majal-ti al; ə dow k̄í rá-rá
 k̄í isi k̄á ra majal-ti r̄əm̄ə, to dow k̄í oo-é al r̄əm,
 b̄á ḡə-é al r̄əm.

⁷ Ngan-je, adi dow əd̄i-si al. Dow k̄í nj̄era né k̄í
 njururu lé, to dow k̄í njururu titi k̄í 'Babe to-né
 dow k̄í njururu kin bè. ⁸ Dow k̄í isi k̄á ra majal-
 ti lé, to dow l̄ə Sú, k̄d̄otal̄ə Sú ra majal lo kul̄ə
 gin-é-ti n̄u. Ngon l̄ə Lub̄ə ree k̄do tuji kull̄ə-je l̄ə
 Sú k̄oḡi. ⁹ Dow k̄í rá-rá k̄í Lub̄ə oji-é lé, à kisi k̄á

ra majal-ti al ngá, kdotalə ko né lə Lubə tò mee-é-ti adi ɛ à kisi ká ra majal-ti al, kdotalə Lubə oji-é ngá. ¹⁰ Né kí toji kí ngan lə Lubə 'to gay kì ngan lə Sú é:n: Dow kí rá-rá kí isi ká ra né-ti kí njururu al lé, to dow lə Lubə al rəm, bá dow kí ndigi ngonkɔ-é al kàrè to dow lə Lubə al rəm tɔ.

Ta kí dɔ ndigi-nɔ-ti

¹¹ †Ta kí ooi lo kulə gin-é-ti nu* lé é:n: J'ndigi-nə. ¹² Adi j'ndaji kullə ra Kayin kí to dow lə Njemeendul kin al; ndɔki Kayin lé tɔl ngonkɔ-é. Ə kɔo ri bá tɔl-é-né wa? Tɔl-é kdotalə kullə ra-é majal ə 'lə ngonkɔ-é lé bá tò njururu†.

¹³ Ngankɔ-m-je kí njékadmeɛ, kinə dow-je kí dɔnangi-ti nè d'osi-si kì ta rəmə, adi ra-si bəl al. ¹⁴ †Jəi lé, ndigi kí j'ndigi ngankɔ-ji-je kí njékadmeɛ-je kinlé bá toji adi j'gəi kí j'indəi dan koy j'gangi j'tɛɛi kiskəm-ti. Dow kí ndigi dow-je al lé, to dow kí oy. ¹⁵ Dow kí rá-rá kí ɔsi ta ngonkɔ-é lé, to njètɔl dow-je ə səi 'gəi kí dow kí njètɔl dow-je lé, kiskəm kí sartagangi goto rɔ-é-ti. ¹⁶ Ndigì dow-je lé, né kí j'gəi-né é:n: Kristi adi rɔ-é koy kɔo ta lə-ji. Jəi kàrè tò kadi j'adi rɔ-ji koy kɔo ngankɔ-ji-je tɔ. ¹⁷ Kinə dow ɔw kì nékingə kí dɔnangi-ti nè, ə oo ngonkɔ-é kí ndoo né ra-é ya rəmə oo kəmtondoo liə al lé, dowbé à panè Lubə ində ndigi dow-je mee-n'è-ti tɔ ban wa? ¹⁸ Ngan-m-je, adi j'ndigi-nə kì ta kí ta-ji-ti əse kì ndaá ta-ji par al, ngà j'rai kì nə kì né kí ji-ji-ti kì kəm rəbi ta kí tɔgrɔ-ti.

† 3:11 3:11 Ja 13:34 * 3:11 3:11 Ta kinlé sobi dɔ kulə gin kadmeɛ lə-dé. † 3:12 3:12 Kgn 4:1-8 † 3:14 3:14 Ja 5:24

Ta kí do mee kí nda kay nò Lubə-ti

¹⁹ Beba j'a gəi-né kí j'toi dow-je kí njékun go ta kí togrɔ-ti rəm, bá mee-ji à kusi-né nangi pɔ nò-é-ti rəm tɔ. ²⁰ Ə lé mee-ji uwə-ji kì ta kì kəm rəbi kì ban-ban ya kàrè, Lubə to 'boy itə mee-ji rəm, ɛ gə né-je lay rəm.

²¹ Səi kí m'ində-si dan kəm-m-ti lé, kinə mee-ji uwə-ji kì ta al rəmə, mee-ji nda kay nò Lubə-ti. ²² Ri-ri ya bá j'dəji-é kàrè, à kadi-ji, kdɔ j'təli rɔ-ji go ndukun-je-ti liə rəm, j'rai né kí nəl-é rəm.

²³ †Ooi, ndukun liə ɔn: Kadi j'adi mee-ji Ngon-é Jeju Kristi rəm, kadi j'ndigi-nɔ titi kí un-né ndu adi-ji lé rəm tɔ. ²⁴ Dow kí təl rɔ-é go ndukun-je-ti lə Lubə lé, to dow kí nam kàdì Lubə-ti rəm, Lubə isi mee-é-ti rəm. Ə kì takul Ndil kí aa njay kí Lubə adi-é isi mee-ji-ti bá j'gəi-né kí Lubə isi mee-ji-ti tɔ.

4

Ta kí sɔbi do njéndó dow-je né-je kì ngɔm

¹ Səi kí m'ində-si dan kəm-m-ti, dow-je lay kí 'pa ta 'ba-né ri Ndil kí aa njay lé adi-dé mee-si dɔrɔ al; ngà 'nɔi-dé ooi, kdɔ kadi 'gəi dɛ kí 'to 'lə Lubə. Kdɔtalə njékədtə-je kí njéba rɔ-dé njépata-je kí ta Lubə-ti 'nɔ dɔnangi-ti nè. ² Né kí a gəi-né Ndil kí to Ndil lə Lubə ɔn: Dow kí pa ta rəsi panè: Jeju Kristi lé ree təl rɔ-é dow-ti rəmə, to dow lə Lubə; ³ ə dow kí pa ta lə Jeju ndaa-ti rəsi al lé, to dow lə Lubə al; dowbé kinlé to dow lə njəkɔsi ta Kristi kí ooi ta ree-é lé; ə bone bè ya kàrè ɛ ɔ dɔnangi-ti nè ngá rəm.

† 3:23 3:23 Ja 13:34; 15:12,17

⁴ Səi ngan-m-je, səi lé, 'toi dow-je lə Lubə ə njékəɗta-je kí njéba rɔ-dé njépata-je kí ta Lubə-ti lé, səi 'təti-dé rɔ, kɔɗtalə njəkisi mɛɛ-si-ti to kí boy n̄a itə njəkisi mɛɛ dow-je-ti kí dɔnangi-ti nè. ⁵ Dɛ lé, 'to dow-je kí dɔnangi-ti nè; gin-é kin bá tapa-dé to-né tapa dow-je kí dɔnangi-ti nè, ə dow-je kí dɔnangi-ti d'oo ta lə-dé. ⁶ Ngà j̄əi j'toi dow-je lə Lubə; dow kí gə Lubə ə oo ta lə-ji; dow kí to dow lə Lubə al rəmə oo ta lə-ji al to; Gangi-é kin bá j'gəi kəri-né rəbi nin Ndil kí njèta kí tɔgrɔ-ti k̄i ndil kí ngɔm.

Lubə to njèndigi dow-je

⁷ Səi kí m'ində-si dan kəm-m-ti, adi j'ndigi-n̄a; kɔɗtalə ndign̄a lé to né kí i rɔ Lubə-ti, ə dow kí rá-rá kí ndigi dow-je lé, to dow kí Lubə oji-é rəm, bá gə Lubə rəm.

⁸ Lubə lé, to njèndigi dow-je, adi dow kí ndigi dow-je al lé, gə Lubə al.

⁹ Ooi, kəm rəbi kí Lubə toji-né ndaa-ti rəsi kí n'ndigi-ji ɛn:

Lubə ulə Ngon kàl liə dɔnangi-ti nè kɔo kadi j'isi kəm k̄i takul-é.

¹⁰ Ə ndigi kí Lubə ndigi-ji kinlé né kí toji ɛn:

To j̄əi bá j'ndigi-é kete al, ngà to Lubə ya ndigi-ji bá ulə Ngon-é ki kadkare adi ree oy kɔo majal-je lə-ji.

¹¹ Səi kí m'ində-si dan kəm-m-ti, kinə Lubə ndigi-ji bore bè lé, j̄əi kàrè j'a ndigi-n̄a to. ¹² †Dow kí oo Lubə ya goto; kinə j'ndigi-n̄a rəmə, Lubə isi mɛɛ-ji-ti ə ndigi kí ɛ ndigi-ji lé toji rɔ-é ndaa-ti rəsi. ¹³ Ə né kí j'gəi-né kí j'nami kàd̄i Lubə-ti

† 4:12 4:12 Ja 1:18

rəm, Lubə isi-né mɛɛ-ji-ti rəm lé, to ta lə Ndil-é kí adi-é isi mɛɛ-ji-ti. ¹⁴ Bɔbi-ji Lubə ulə Ngon-é kadi to Njəkaji dow-je kí dɔnangi-ti nè, adi j'oo-é kɪ kəm-ji rəm, bá j'pa ta kí dɔ-é-ti j'adi dow-je rəm tɔ.

¹⁵ Dow kí pa ta rəsi panè: Jeju to Ngon lə Lubə lé, Lubə isi mɛɛ dowbé-ti rəm, bá ɛ nam kàdì Lubə-ti rəm tɔ. ¹⁶ Jəi lé, j'gəi ndigi kí Lubə ndigi-ji, ə j'gəi kí ɛ ndigi-ji ya tɔgrɔ-ti.

Lubə to njəndigi dow-je; dow kí ndigi dow-je tò mɛɛ-é-ti lé, to dow kí nam kàdì Lubə-ti ə Lubə isi mɛɛ-é-ti tɔ.

¹⁷ Ooi, né kí mɛɛ-ji à nda-né kay ndɔ gangta-ti lé, to ndignɔ kí dan-ji-ti kí ɔr njuti; kdɔtalə gangi-é kí ndɔki Kristi isi-né dɔnangi-ti nè lé ya jə j'isi-né tɔ. ¹⁸ Ndignɔ lé, bəl goto-ti; kdɔ ndignɔ kí ɔr njuti ɔr bəl mɛɛ dow-ti kɔgi. Kdɔtalə bəl tɔji kində kɔji kí à ree, ə dow kí bəl lé, ndigi dow-je kí tò mɛɛ-é-ti ɔr njuti al. ¹⁹ Jəi rəmə, jəi j'ndigi dow-je, kdɔtalə Lubə ya ndigi-ji dɔsɔy. ²⁰ Kinə dow panè n'ndigi Lubə ya rəmə ɔsi ta ngonkɔ-é lé, to njəkəɔta. Kdɔtalə ngonkɔ-é kí ɛ oo-é bəy ə ndigi-é al lé, à ndigi Lubə kí ɛ oo-é al kin ban wa? ²¹ Ə Kristi ya adi-ji ndukun panè: Dow kí ndigi Lubə rəmə, à ndigi ngonkɔ-é tɔ.

5

Ta kí sɔbi dɔ kadmɛɛ, kɪ kullə ra kadmɛɛ

¹ Dow kí rá-rá kí adi mɛɛ-é kí Jeju to Kristi* lé, to dow kí Lubə oji-é, ə dow kí ndigi bɔbi ngon

* **5:1** 5:1 Kristi lé kɔr mɛɛ-é to dow kí Lubə mbəti-é.

rəmə, ndigi ngon-é tɔ. ² Né kí j'a gəi-né kí j'ndigi ngan lə Lubə lé, to ndigi kí j'ndigi Lubə rəm, təl kí j'təli rɔ-ji go ndukun-je-ti liə rəm. ³ †Kdotalə ndigi Lubə lé, to təl rɔ go ndukun-je-ti liə. Ə ndukun-je liə lé, ɔy al, ⁴ kdotalə dow-je lay kí Lubə oji-dé lé, 'təti rɔ duniŋa ə né kí njətətrɔ duniŋa lé to kadmeɛ lə-ji. ⁵ Dow kí njətəti rɔ duniŋa lé to nə wa? To dow kí adi meɛ-é kí Jeju to Ngon lə Lubə ya al wa? ⁶ To Jeju Kristi kí ree kɪ man rəm, kɪ məsi rəm; ɛ ree kɪ man par al, ngà ree kɪ man† rəm, kɪ məsi rəm; ə Ndil kí aa njay ya pa ta kí dɔ-ti, kdotalə Ndil kí aa njay ya kɪ dɔ-é to ta kí tɔgrɔ-ti. ⁷ Bəbə né-je mutə [dɔrɔ-ti 'pa ta dɔ-ti adi to: Lubə kí Bɔbi rəm, Ta rəm, b́a Ndil kí aa njay rəm. Ə né-je kí mutə kinlé 'to né kí káre-rè. ⁸ Né-je mutə dɔnangi-ti nè 'pa ta dɔ-ti tɔ] adi to: Ndil kí aa njay rəm, man rəm, b́a məsi rəm]‡, ə dɛ mutə lay ta-dé asi-nə. ⁹ Kinə j'ooi ta lə dow-je j'adi to ta kí tɔgrɔ-ti rəmə, ta lə Lubə to kí boy nə itə ta lə dow-je. Kdotalə to Lubə ya é pa ta kí sobi dɔ Ngon-é adi dow-je. ¹⁰ Dow kí adi meɛ-é Ngon lə Lubə lé, ta lə Lubə kinlé tɔ meɛ-é-ti; ə dow kí adi meɛ-é Lubə al lé, ɛ b́a Lubə njəkəɔta, kdotalə ta kí Lubə pa dɔ Ngon-é-ti lé, dowbé oo kɪ ta kí tɔgrɔ-ti al. ¹¹ †Ooi, ta kí 'pa sobi dɔ Ngon lé ban: Lubə adi-ji kiskəm kí sartagangi ə kiskəm kinlé j rɔ Ngon-é-ti. ¹² Dow kí adi meɛ-é Ngon lə Lubə rəmə isi kəm; ngà dow kí adi meɛ-

† **5:3** 5:3 Jə 14:15 † **5:6** 5:6 Ta lə man kinlé toji batəm kí Jeju ra ə ta lə məsi toji koy-é tɔ. ‡ **5:8** 5:8 Ta-je kí tɔ mbunə né-ti kinlé [...] goto meɛ mbete-je-ti kí dɔsɔy kí dan-ti-je kí 'ndàngi kɪ ji-dé kɪ ta greki. † **5:11** 5:11 Jə 3:36

é Ngon læ Lubə al lé, isi kəm al. ¹³ M'ndàngi ta-je kinlé m'adi-si, kɔ kadi 'gəi kí, səi kí adi mɛɛ-si Ngon læ Lubə lé, isi kəm sartagangi.

¹⁴ Ooi, né kí mɛɛ-ji nda-né kay rɔ Lubə-ti ɛn: Kinə j'dəji-é né kí ɔw nati kɪ mɛɛndigi liə lé, ɛ oo ndi-ji. ¹⁵ Ə kinə j'gəi kí ɛ oo ndi-ji rəmə, lé to ri-ri ya bá j'dəji-é kàrè, j'gəi kí j'ingəi né-é ngá.†

¹⁶ Kinə dow oo kí ngonkɔ-é ra majal kí à tɛɛ koy al rəmə, kadi dowbé pa ta kɪ Lubə kɔ ngonkɔ-é lé, ə Lubə à kaji-é; to ta kí sɔbi dɔ dow-je kí 'ra majal kí à tɛɛ koy al. Majal kí à tɛɛ koy tɔ nɔɔ; ə to majal-é kin bá m'panè 'pai ta kɪ Lubə kɔ al.

¹⁷ Néra kí njururu al lay ya to majal, ngà majal-je madi bá tɛɛ koy al. ¹⁸ Jəi j'gəi kí dow kí rá-rá kí Lubə oji-é lé à kisi ká ra majal-ti al; kɔ Ngon læ Lubə isi ngəm-é adi Njèmɛɛndul à kɔdi rɔ-é al. ¹⁹ Jəi j'gəi kí j'toi dow-je læ Lubə rəm, bá j'gəi kí donangi lay tɔ gin tógi-ti læ njèmɛɛndul rəm tɔ. ²⁰ Jəi j'gəi bəy kí Ngon læ Lubə ree ə adi-ji négə kɔ kadi j'gəi-né Lubə kí tɔgrɔ-ti; ə jəi j'toi dow-je læ Lubə kí tɔgrɔ-ti kɔ nam kí j'nami kàdi Ngon-é Jeju Kristi-ti. Ngon læ Lubə kinlé to Lubə kí tɔgrɔ-ti rəm, bá to kiskəm kí sartagangi rəm tɔ.

²¹ Səi ngan-m-je, ooi go rɔ-si maji dɔ magi-je-ti.

† 5:15 5:15 Jkr 1:5-7

Ta lə Lubə Kunmindí kí Sigi
Mango: Ta lə Lubə Kunmindí kí Sigi (New
Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

96bdbd07-24d6-556c-9e7c-7269c72880cd